

# Կորցրե՛լ եք Ձեր երեխայի պատվաստման վկայականը. ահա մի քանի վայր, որտեղ այն կարող է լինել

Կարևոր է, որ պատվաստումների վկայականները պատրաստ լինեն և ունենան թարմ տեղեկություններ:  
Փաստաթղթերը կարող են պահանջվել դպրոցի, երեխայի ինսամքի կամ արտադասարանական  
աշխատանքների համար:

## Բժշկի գրասենյակ

Երեխաներին հաճախ տրվում է **դեղին պատվաստման քարտ**՝ բժշկին այցելելուց բերելու համար: Եթե քարտը կորել է, հնարավոր է, որ Ձեր բժիշկը կարողանա տպել քարտի ևս մեկ օրինակ: Եթե Ձեր երեխան պատվաստվել է տարբեր վայրերում, գուցե ստիպված լինեք կապվել յուրաքանչյուրի հետ՝ պատվաստումների գրանցումներն ամբողջությամբ ստանալու համար:



## Նախորդ դպրոց

Փորձեք կապ հաստատել վերջին դպրոցի հետ, որտեղ հաճախել է Ձեր երեխան: Դպրոցները ստուգում են իրենց բոլոր աշակերտների պատվաստումները և կարող են փնտրել հին գրանցումները: Հիշեք, որ աշակերտների դպրոցից հեռանալուց հետո գրանցումները կարող են պահպանվել միայն 1-2 տարի:



## Պատվաստումների թվային գրանցում

Պահանջեք Ձեր երեխայի պատվաստանյութի թվային գրանցման պատճենը առցանց «**Պատվաստումների թվային գրանցման**» (**Digital Vaccine Record-DVR**) **կայքի միջոցով**: Այս թվային պատճենը կարող է օգտագործվել որպես Ձեր երեխայի պատվաստման ապացույց, որը պահանջում է դպրոցը:



[myvaccinerecord.cdph.ca.gov](http://myvaccinerecord.cdph.ca.gov)

## Նահանգային տեղեկատվական համակարգեր

Բոլոր նահանգներն ունեն պատվաստումների գրանցամատյաններ: Հիվանդությունների վերահսկման և կանխարգելման կենտրոնները (The Centers for Disease Control and Prevention - CDC) ունեն գրանցամատյանի կապի տվյալներ և կայքեր, որտեղից Դուք կարող եք տեղեկանալ, թե ինչպես պահանջել Ձեր երեխայի պատվաստման գրանցման պաշտոնական պատճենը:



[www.cdc.gov/vaccines/programs/iis/](http://www.cdc.gov/vaccines/programs/iis/Contacts-locate-records.html)

[Contacts-locate-records.html](http://Contacts-locate-records.html)

Պահանջվող և առաջարկվող պատվաստումները ստանալը կօգնի Ձեր երեխային մնալ առողջ և դպրոցում:

(Armenian)

